



## МОНГОЛ УЛСЫН САНГИЙН САЙДЫН ТУШААЛ

2020 оны 04 сарын 02 өдөр

Дугаар 75

Улаанбаатар хот

### Журам шинэчлэн батлах тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Монгол Улсын яамны эрх зүйн байдлын тухай хуулийн 26 дугаар зүйлийн 3 дахь хэсэг, Засгийн газрын 2019 оны 5 дугаар тогтоолын хоёрдугаар хавсралтаар батлагдсан "Засгийн газрын салбарын тэргүүний ажилтан" хүндэт тэмдгийн төрөл, түүнийг олгох эрх бүхий албан тушаалтны жагсаалтын 7, 14, 18 дах хэсэгт заасныг тус тус үндэслэн ТУШААХ нь:

1. "Засгийн газрын салбарын тэргүүний ажилтан хүндэт тэмдэг болон Сангийн яамны шагнал олгох" журмыг хавсралтаар баталсугай.
2. Журмын хэрэгжилтэд хяналт тавьж ажиллахыг Төрийн захиргааны удирдлагын газар (П.Дорждагва)-т даалгасугай.
3. Энэ тушаал гарсантай холбогдуулан "Журам батлах тухай" Сангийн сайдын 2013 оны 304 дугаар тушаалыг хүчингүй болсонд тооцсугай.



Ч.ХҮРЭЛБААТАР

976097

Сангийн сайдын 2020 оны 4 дүгээр  
сарын 02-ны өдрийн ... 75... тоот  
тушаалын хавсралт

## ЗАСГИЙН ГАЗРЫН САЛБАРЫН ТЭРГҮҮНИЙ АЖИЛТАН ХҮНДЭТ ТЭМДЭГ БОЛОН САНГИЙН ЯАМНЫ ШАГНАЛ ОЛГОХ ЖУРАМ

### Нэг. Ерөнхий зүйл

1.1. “Засгийн газрын салбарын тэргүүний ажилтан” хүндэт тэмдэг болон Сангийн яамны шагнал олгохтой холбогдсон харилцааг зохицуулна.

1.2. Засгийн газрын салбарын тэргүүний ажилтан хүндэт тэмдэг болон Сангийн яамны шагналын үндсэн зорилго нь Монгол Улсын санхүүгийн салбарын буюу банк, гааль, татвар, нягтлан бодох бүртгэл, аудит, даатгалын байгууллагын ажилтан нарын хөдөлмөрийн ололт амжилт, үр бүтээлийг үнэлэх, тэдний идэвх санаачилгыг хөхүүлэн дэмжиж, сайшаан урамшуулахад оршино.

1.3. Шагналыг олгохдоо тус салбарын ажилтны ажлын ололт амжилт, үр бүтээлийг гол шалгуур үзүүлэлт болгохын зэрэгцээ тухайн ажилтны ажилладаг байгууллага, газар, хэлтэс болон хамт олны томоохон бүтээн байгуулалт, ажлын үр дүнг харгалзан үзэх зарчмыг баримтална.

1.4. “Засгийн газрын салбарын тэргүүний ажилтан” хүндэт тэмдэг болон Сангийн яамны шагнал дараах төрөлтэй байна:

- 1.4.1. “Санхүү, банкны тэргүүний ажилтан” хүндэт тэмдэг;
- 1.4.2. “Нягтлан бодох бүртгэлийн тэргүүний ажилтан” хүндэт тэмдэг;
- 1.4.3. “Гаалийн албаны тэргүүний ажилтан” хүндэт тэмдэг;
- 1.4.4. Сангийн яамны Хүндэт дэвтэрт бичиж, дурсгалын гэрчилгээ олгох;
- 1.4.5. Санхүү, эдийн засгийн албаны Хүндэт тэмдэг;
- 1.4.6. Сангийн яамны Жуух бичиг;
- 1.4.7. Мөнгөн шагнал буюу үнэ бүхий зүйлээр шагнах.

### Хоёр. Шагнал олгох ерөнхий нөхцөл

2.1. Санхүүгийн салбарын шагналыг яам, Засгийн газар гэсэн дарааллаар дор дурдсан үзүүлэлтийг хангасан албан хаагч, иргэнд олгоно. Үүнд:

2.1.1 Санхүүгийн салбар болон банк, аудит, даатгал, гааль, татварын албанд 5-аас доошгүй жил идэвх зүтгэл, үр бүтээлтэй ажилласан ажилтныг Сангийн яамны Жуух бичгээр;

2.1.2 Санхүүгийн салбар болон банк, аудит, даатгал, татварын албанд 15-аас доошгүй жил мэргэжлээрээ идэвх зүтгэл, үр бүтээлтэй ажилласан ажилтныг “Санхүү, банкны тэргүүний ажилтан” хүндэт тэмдгээр;

2.1.3 Бүртгэл, санхүүгийн албанд 15-аас доошгүй жил мэргэжлээрээ үр бүтээлтэй ажилласан ажилтныг “Нягтлан бодох бүртгэлийн тэргүүний ажилтан” хүндэт тэмдгээр;

2.1.4 Гаалийн албанд 15-аас доошгүй жил мэргэжлээрээ идэвх зүтгэл, үр бүтээлтэй ажилласан ажилтныг “Гаалийн албаны тэргүүний ажилтан” хүндэт тэмдгээр тус тус шагнаж урамшуулна.

2.2. Санхүү, эдийн засаг, банкны төв, орон нутгийн байгууллагад 30-аас доошгүй жил ажиллаж, салбарын хөгжилд бодитой хувь нэмэр оруулж, хөдөлмөрийн өндөр амжилт, үр бүтээл гаргасан удирдах ба ахмад ажилтны алдар

гавьяа, сайн үйлс, үлгэр дуурайллыг алдаршуулж, Сангийн яамны Хүндэт дэвтэрт алдар нэрийг нь мөнхжүүлэн бичиж үлдээнэ. Хүндэт дэвтэрт бичигдсэн тухай гэрчилгээ олгоно. Сангийн яамны Хүндэт дэвтэрт бичигдэх ажилтан салбарын тэргүүний ажилтан тэмдгээр шагнагдсан байна.

2.3. Санхүү, банк, эдийн засгийн салбарт 25-аас доошгүй жил ажлын өндөр амжилт гарган ажиллаж байгаа болон тэтгэвэрт байгаа ахмад ажилтан нарыг Санхүү эдийн засгийн албаны Хүндэт тэмдгээр шагнаж, урамшуулна.

2.4. Монгол Улсын санхүү, банк, нягтлан бодох бүртгэл, гааль, татвар, аудит, даатгалын салбарыг хөгжүүлэн бэхжүүлэх үйл хэрэгт онцгой амжилт, шинэ санаачилга, бүтээл гаргасан, улс орны хэмжээний нээлт хийсэн /түүнийг хэрэгжүүлснээр улс, нийгэмд тодорхой ашиг тус өгсөн бол/ ажилтныг энэ журмын 2.1-т заасан хугацааг харгалзахгүйгээр шагнаж, урамшуулж болно.

2.5. Монгол Улсын санхүүгийн албыг хөгжүүлэн бэхжүүлэх үйл хэрэгт онцгой амжилт гаргасан, санхүү, эдийн засгийн бодитой дэмжлэг туслалцаа үзүүлсэн гадаадын иргэнийг дээрх шагналаар шагнаж урамшуулж болно.

2.6. Засгийн газрын салбарын тэргүүний ажилтан тэмдэг болон Сангийн яамны шагналыг Сангийн сайдын тушаалаар олгоно.

### **Гурав. Засгийн газрын салбарын тэргүүний ажилтан тэмдэг болон Сангийн яамны шагналд тодорхойлох, түүнийг хүлээн авах, шийдвэрлэх**

3.1 Засгийн газрын салбарын тэргүүний ажилтан хүндэт тэмдэг болон Сангийн яамны шагналаар шагнуулахаар өргөн мэдүүлж байгаа ажилтны ажил байдлын тодорхойлолтод тухайн ажилтны сүүлийн 3-5 жилийн ажлын ололт амжилт, үр бүтээл, ажлын гол үзүүлэлт, хүрсэн үр дүн, улмаар байгууллагын дүгнэлтийг тусгасан байна.

3.2. Шагналын тодорхойлолтод байгууллагын дарга, эрхлэгч гарын үсэг зурж, тамга, тэмдэг дарж баталгаажуулан дараах баримт бичгийг хавсаргаж, санхүүгийн асуудал хариуцсан төрийн байгууллага болон харьяа аймаг, нийслэл, дүүргийн Санхүү, төрийн сангийн хэлтэст ирүүлнэ.

3.2.1. Шагнуулахаар өргөн мэдүүлсэн хүний анкет, ажил байдлын тодорхойлолт;

3.2.2. Шагнуулах тухай үндсэн байгууллагын хүсэлт;

3.2.3. Шагнуулах тухай хүсэлтийг дэмжсэн хамт олны хурлын тэмдэглэл;

3.2.4. Аж ахуйн нэгж бол өөрийн харилцдаг аймаг, нийслэл, дүүргийн татварын албаны тодорхойлолт.

3.3 Санхүүгийн асуудал хариуцсан төрийн захиргааны байгууллага болон аймаг, нийслэл, дүүргийн Санхүү, төрийн сангийн хэлтэс байгууллагаас ирүүлсэн шагналын тодорхойлолтыг энэ журмын 2.1-2.5 дахь заалтын дагуу хянан үзэж, Засгийн газрын салбарын тэргүүний ажилтан хүндэт тэмдэг болон Сангийн яамны шагналаар шагнуулах хүсэлтээ Санхүү, эдийн засагчдын өдөр, Үндэсний их баяр наадам болон бусад тэмдэглэлт баяр болохоос 30-аас доошгүй хоногийн өмнө Сангийн яамны шагналын цахим бүртгэлийн систем ([www.reward.mof.gov.mn](http://www.reward.mof.gov.mn))-д баталгаажсан хэрэглэгчийн эрхээрээ үнэн, зөв бүртгүүлсэн байна.

3.4 Шагналын цахим бүртгэлийн систем нь тухайн баяр, ой, тэмдэглэлт өдөр болохоос 90 хоногийн өмнө нээгдэж, 30 хоногийн өмнө хаагдах ба энэ хугацаанд хүсэлт гаргагч байгууллагын итгэмжлэгдсэн ажилтан нь цахим бүртгэлийн системд хандаж шагналд нэр дэвшигчдийн мэдээллийг бүрэн оруулсан байна.

3.5 Санхүүгийн асуудал хариуцсан төрийн захиргааны байгууллага болон

аймаг, нийслэл, дүүргийн Санхүү, төрийн сангийн хэлтсийн шагналын асуудал хариуцсан ажилтанд цахим бүртгэлийн эрхийг яамны Төрийн захиргааны удирдлагын газрын шагналын асуудал хариуцсан ажилтан олгоно.

3.6 Хүсэлт гаргагч байгууллагын итгэмжлэгдсэн ажилтан нь шагналд тодорхойлсон хүмүүсийн холбогдох цаасан суурьтай баримтыг Архивын тухай хуулийн 22 дугаар хэсэгт заасны дагуу тухайн байгууллагынхаа архивт хадгална.

3.7 Шагналыг Үндэсний их баяр наадам, Санхүү, эдийн засагчдын өдөр болон тухайн салбарын байгууллагын түүхт тэгш ойн өдрийг тохиолдуулан олгоно.

3.8 Сангийн яамны салбарын шагналд тодорхойлсон албан бичигт санхүүгийн асуудал хариуцсан төрийн захиргааны байгууллага болон тухайн аймаг, нийслэл, дүүргээс нэгдсэн нэрсийн жагсаалт, бусад мэдээллийг хавсралтаар ирүүлнэ. /Маягт-1/

3.9 Сангийн яамны Төрийн захиргааны удирдлагын газрын шагналын асуудал хариуцсан мэргэжилтэн цахимаар шагналын материалыг хүлээн авч хянах ажлыг эрхлэн гүйцэтгэнэ.

3.10 Засгийн газрын салбарын тэргүүний ажилтан тэмдэг болон Сангийн яамны шагнал олгох (энэ журмын 2.1-2.5 дах заалтад заасан) ерөнхий нөхцөлийг хангаагүй тохиолдолд шагналыг олгохгүй.

3.11 Шагналд нэр дэвшигчийн холбогдох мэдээллийг цахим бүртгэлийн системд хуурамчаар бүртгүүлсэн нь нотлогдсон тохиолдолд тухайн байгууллагын эрхийг 1 жилийн хугацаанд хаана.

3.12 Сангийн яамны Төрийн захиргааны удирдлагын газар шагнагдсан ажилтны нэгдсэн бүртгэлийг хөтөлж, жил бүр бүртгэлийг яамны архивт хүлээлгэж өгнө.

3.13 Шагналын материалыг дараах тохиолдолд цаасаар авч болно :

3.13.1 Программын серверийн үйл ажиллагаа зогсох, гадны нөлөөлөл, программ хангамжийн гэмтлийн улмаас түүнд хандалт хийх боломжгүй болох;

3.13.2 Яаралтай буюу программ хангамжийн хэт их ачаалалтай, гацсан үед холбогдох материалыг цаасан хэлбэрээр хүлээн авч программд оруулах.

### **Дөрөв. Засгийн газрын салбарын тэргүүний болон Сангийн яамны шагналын тэмдэг, үнэмлэхийг нөхөн болон сольж олгох**


4.1 Засгийн газрын салбарын тэргүүний ажилтан хүндэт тэмдэг болон Сангийн яамны шагналын үнэмлэх, тэмдгийг ямар нэг шалтгаанаар үрэгдүүлсэн, эвдэж гэмтээсэн тохиолдолд шагналын эзэн, түүний нөхөр, эхнэр, хүүхэд, эцэг эх, төрсөн ах, эгч, дүүд нь зохих үнээр нь нөхөн болон сольж олгож болно.

4.2 Үнэмлэх, тэмдгийн шагналын эзэн эсвэл түүний нөхөр, эхнэр, хүүхэд, эцэг, эх төрсөн ах, эгч, дүү нөхөн болон сольж авахыг хүсвэл үрэгдүүлсэн, эвдэж гэмтээсэн нөхцөл, шалтгааныг тодорхой бичсэн өргөдлийг үнэмлэх, тэмдэгний үнийг банканд тушаасан баримт, эвдэрч гэмтсэн зүйлийн хамт Сангийн яамны Төрийн захиргааны удирдлагын газарт ирүүлнэ.

4.3 Сангийн яамны Төрийн захиргааны удирдлагын газар өргөдлийг хянан үзэж тэмдэг, үнэмлэхийг нөхөн болон сольж олгох үндэслэлтэй гэж үзвэл нөхөж олгоно.



Сангийн сайдын 2020 оны 4 дүгээр сарын ... -ны өдрийн ..... тоот тушаалын хавсралт



САНГИЙН ЯАМНЫ ШАГНАЛААР ШАГНУУЛАХААР  
ӨРГӨН МЭДҮҮЛСЭН ХҮНИЙ АНКЕТ

1. Овог:
2. Нэр:
3. Төрсөн огноо:
4. Хүйс:
5. Төрсөн аймаг, сум, хот:
6. Одоогийн харьяалал:
7. Регистрийн дугаар:
8. Ажилладаг салбар:
9. Мэргэжил:
10. Урьд болон одоо ажиллаж байгаа газар:

№	Ажлын газрын нэр	Хугацаа /оноор/	Эрхэлсэн ажил, албан тушаал
1			
2			
3			
4			

12. Урьд нь шагнагдаж байсан шагналууд

/Монгол Улсын цол, одон медаль, салбарын болон яамны шагнал/

№	Шагналын нэр	Хэдэн онд
1		
2		
3		
4		

13. Нэр дэвшүүлж байгаа шагналын нэр:
14. Шагнуулах үндэслэл: